

惠安縣志卷之十一

邑人淨峯張岳維喬

維皇制政分職蒞民重選郎宰上協星辰銅章黃綬儀等辨陳暨厥貳副及其屬人秩祿優備職務叙甄弘綱綜覽令躬是親匪令匪食匪民匪尊念茲一體永俾化淳志秩官

職制

宋太平興國中邑始置令其初以簿尉攝令事後數年乃以京朝官或參用幕職爲之慶曆以後令選漸重舊制縣及萬戶以上置丞專掌常平農田水利其

千戶以上只有令簿尉不及千戶者又省簿以尉兼之吾邑宋時戶三萬有奇有知縣一員丞一員簿一員尉一員其簿尉皆選人充之仍帶主管學事職銜小兜巡檢寨有巡檢一員監稅務一員元制縣尹以漢人南人爲之然不專任而命蒙古人爲達魯花赤以監之與縣尹俱正七品章印掌於達魯花赤而尹署封其上其繫銜俱帶管內勸農事吾邑戶不及一萬爲下縣不置丞尉有達魯花赤一員縣尹一員主簿一員兼治尉事小兜塗嶺巡檢各一員龍山驛提領一員惠安鹽場隸運司有司令一員

司丞一員管勾一員儒學教諭一員  
國朝宣德以前縣令雖由吏部選授亦令朝京監司  
舉其堪縣令者嚴保任之法至正統元年始悉歸吏  
部而舉任法廢其丞簿則視縣大小或設或省吾邑  
有知縣一員丞一員簿一員典史一員丞簿爲佐貳  
典史爲幕職而丞掌徵納簿掌巡捕亦略有分職云  
儒學有教諭一員訓導二員洪武初舉儒士有學行  
者充其後乃由吏部選授乙榜舉人及內廷試中貢  
士爲之

峰尾等四巡檢司有巡檢一員錦田驛有驛丞一員

河泊所有河泊一員崇武倉有副使一員

陰陽學有訓術一員醫學有訓科一員此二官皆選  
其學本藝優等者爲之不制祿

惠安場鹽課司有大使一員副使一員隸運鹽司

崇武千戶所舊制有正千戶一員副千戶二員百戶  
十員鎮撫一員近員數頗有增損隸永寧衛

吏員宋募人入役元及我朝始定資格爲出身之  
階凡案牘分六房承行每房有司吏一人典史二人  
承發科典史一人架閣庫典史一人舖長司吏一人  
儒學巡檢司司吏各一人錦田驛驛吏一人崇武倉

河泊所攢典各一人

論曰吾邑圖里之數僅齒中縣然其實地瘠賦重民貧用嗇而額設猥多食浮於事懦者坐食以耗國能者生事以擾民其勢不少加裁省則民困末易遽蘇也愚嘗通一邑官設而論其緩急輕重可裁省者不啻三之一矣夫能使官與事稱繁簡得中體統嚴明而條貫辨舉豈非理世之先務也哉

歷官

宋知縣

胡緯端拱二年任

杜從善淳化四年任

惠安志卷十一

三

陳

王諫至道二年任

許載咸平二年任

胡克順咸平六年任

孔好言景德元年任

周航景德四年任

張愈祥符三年任

包令儀祥符五年任

陳執中即丞相恭公祥符八年以父廕來任清謹

守法門無私謁嘗有縣齋詠梅詩一首去年邊

上見梅花醉眼淹留未到家今日嶺南攀折得

忽驚身又在天涯後人因作見梅亭以記之

鄭炎天禧元年任

錢喆天禧二年任

張仁術天禧四年任

李旼蜀人張詠知益州選旼於諸生中授以文學  
遂知名天聖元年以大理寺丞來知始建學宮  
以教子弟其政尚簡靜與民休息秩滿代去人  
甚懷之

陳宗奭天聖三年任 陳鑄天聖八年任

楊伉天聖九年任 侯敏景祐二年任

謝忠恕景祐三年任 牛日新景祐四年任

張諤康定元年任 鮮于亨慶曆三年任

曾楷慶曆六年任 辛終吉皇祐元年任

賀僅皇祐三年任 燕叔達至和二年任

惠安志卷十一

四

陳

崔彥昇嘉祐二年任 張蓋嘉祐七年任

路載治平四年任 李民中熙寧二年任

蕭闢熙寧六年任 吳克熙寧七年任

馬康侯熙寧十年任 周嵩元豐二年任

張極元豐六年任 袁符元祐元年任

宋觀元祐六年任 李絳紹聖三年任

崔登元符二年任 洪中崇寧元年任

陳惟中崇寧元年任 鄭疇崇寧二年任

呂深大觀元年任 徐揖政和元年任

呂偉明政和五年任 謝仲逸宣和元年任

呂若常宣和四年任

周志行靖康元年任

陳範建炎元年任

張木紹興元年任

李廣文紹興三年任

彭元達長樂人紹興五年來知縣事時兵戈之餘

民俗彫弊元達講求利病軍需百費調度有方

民不知勞舊學在邑西南隅後遷皇華驛後士

病湫隘元達爲改建于舊址及去繪象于學東

廡祀之

陳安國紹興八年任

胡迥紹興十一年任

陳亮紹興十五年任

歐陽曄紹興十八年任

惠安志卷十一

五

高維寧紹興廿一年任

李軫紹興廿二年任

林昌言紹興廿四年任

陳承符紹興廿六年任

陳荷紹興廿九年任

陳宣紹興三十年任

朱登乾道二年任

丁康臣乾道二年到任王守梅溪公書其考曰獄

訟詳明民無冤訴催科不擾辦居衆先付以繁

難必可倚伏

陸俱乾道六年任

陳珣乾道六年任

黃邁乾道九年任

魏鈞淳熙二年任

陳子昕淳熙四年任

蔡易淳熙六年任

鄭揆淳熙九年任

王聰淳熙十二年任

陳匪白淳熙十三年任

丁邦友淳熙十六年任

周震紹熙三年到任有善政嘗以春月勸農至華

林寺有詩飛簾怒息海天明十里藍輿出勸耕

隴麥低頭湏雨意林花迎面笑春晴熙寮聯轡

勤因事父老傳杯識至情及物無功慚竊廩豐

年有願是忠誠

鄭少魏慶元元年任

余宋興慶元四年任

龔最莆田人參知政事茂良之子慶元四年以廢

補到任增置書籍以教士子初茂良與史浩不

合及彌遠當國修先世故怨最亦安於退處不

復仕

趙彥越嘉泰元年任

呂啓宗嘉泰四年任

黃之仁嘉定元年任

張仕炳嘉定元年任

鄭舉之嘉定四年任

劉衍嘉定八年任

陳宿嘉定十一年任

陳沂嘉定十四年任

史彌忝嘉定十六年任

鍾彌邵寶慶二年任

張豹變紹定二年任

曹南老紹定四年任

鄭良翰端平元年任

鄭清子嘉熙二年任

余薦鶚淳祐元年任

趙與官淳祐四年任

黃愷淳祐五年任

趙時銑淳祐七年任

陳緩淳祐十年任

趙汝稟

元縣尹

趙仲臣

趙孟顛

劉信

段榮祖

李善

郭躍雲

孔桂

克完澤

雷機字子樞建安人由進士後至元間歷延平推

官調是職爲人樂易和而不流嚴而不苟省節

浮冗沮抑豪強均賦于鄉人無嗟怨陞湖廣儒

惠安志卷十一

七

王

學提舉去

吳傑字漢臣至正元年任

陸文英字君華至正四年任

陳孚中至正二十四年任

國朝知縣

宋敏中山東濟寧人洪武元年到任先時邑民爲

陳有定殘暴公撫字得宜民以寧靖後卒于官

時汝楫洪武三年在任

羅泰洪武五年在任

安景賢通州三河人洪武八年到任剛毅果斷判

決無滯民頌之曰安公蒞止視民猶子不怠不  
荒爲邑之主後考滿陞蘇州府同知

閻宏山西解州安邑人由耆儒舉洪武十三年到  
任崇禮節尚文學田野闢吏案清民安訟簡後  
卒於仕

吳克剛紹興上虞人由賢良方正舉洪武二十二  
年到任寬仁愛人政令公明清操推爲第一洪  
武二十四年述職京師卒于途百姓莫不感泣  
馮靖洪武二十九年任

陳永年江西新淦人洪武三十二年由給事中調  
是職居官勤謹馭吏有方永樂七年忠恕鄉七  
都螟蝻爲災禱于城隍鸛鵠蔽衢而下群啄食  
之歲賴有秋太守胡公器暨諸名士有文紀其  
事

高顯宣德間任

閉禎廣西橫州人由監生任王簿九載有成績邑  
人赴部使者願留之遂陞本縣知縣禎在邑久  
熟於民間情僞及吏案宿弊纖毫皆知不事鞭  
朴而令自行百廢釐舉至今尚有存者正統乙  
巳沙寇掠郡大兵南下措辦糧餉設畫備禦民



賴以安九年致仕去民爲樹德政之碑

王覽河南開封府陳留人由舉人任永平府儒學  
訓導保陞景泰七年六月到任首詢民瘼興學  
課農豈弟慈祥愛民如子天順二年四月亢旱  
苗枯損覽憂形于色齋潔蔬食祈禱山川諸神  
於是甘霖霽霑其秋大穫次年禾稻將熟颶風  
大作仍祝于神其風遂息天順四年丁外艱云  
官民爲立碑

蔣怡浙江青田人由監生成化二年任

趙鐸江西進賢人由監生成化六年任

惠安志卷十一

九

李真示

方文浙江黃巖人由舉人成化八年任

康永紹徽州祁門人成化十年以監察御史謫知  
是縣才氣剛果處事嚴密鋤抑豪猾撫綏小民  
成化丙申邑大饑賑卹有方人不流徙越三年  
以善天文召掌欽天監事

陳栗江西南昌人由監生成化十三年任簡靜愛  
民卒于官民甚思之

張桓江西浮梁人由進士成化十八年任有幹才  
善興作從容辨理人不知費在任六年以太僕  
丞召

虞坤江西番易人由進士弘治五年任陞通判  
程鶚徽州績溪人由監生弘治九年任

王希旦廣東東莞人由舉人弘治十二年任

張斯昌寧國旌德人由舉人弘治十六年任

梁綱廣東順德人由舉人正德元年任

周用廣東饒平人由進士正德八年任陞南京大  
理寺評事

張安廣東遂溪人由舉人正德九年任

陳逅蘇州常熟人由進士正德十四年任調福清  
行取爲監察御史以言事落職稍起至調福建

僉事分巡福寧道前後俱有惠愛在民

徐倫江西上饒人由進士正德十六年任陞漳州  
府同知

萬夔江西新建人由進士嘉靖二年任調閩縣民  
爲立去思之碑

林文英廣東東莞人由舉人嘉靖四年任

莫尚簡廣東封川人由監生嘉靖八年任

何繼之廣東順德人由進士嘉靖九年十一年任

陞戶部主事

丘民仰江西貴溪人由舉人嘉靖十三年任

許惠江西九江府人由監生嘉靖十六年任

何典廣東博羅人由舉人嘉靖二十年任陞桂林

府通判

黃國用江西豐城人嘉靖二十三年任

高時浙江臨安人由都給事謫嘉靖二十四年任

陳良法浙江西安人由監生嘉靖二十五年任

縣丞

李勻山東沂州人洪武四年任

張克昌河南嵩縣人由秀才舉洪武十三年任

李德遂台州臨海人由進士洪武十九年任性質

惠安志卷十一 十一

謝裕

純雅文辭雄贍蒞官勤謹撫下慈惠後卒于官

葬縣北石鏡山之陽

陰銘湖廣蘄州人洪武十八年任

劉鐸山東汶上人由孝廉舉洪武三十年任操心

公直果毅敢言上官多敬重之後卒于官

梁芮江西泰和人由懷材抱德天順二年任

孫愷浙江慈谿人由吏員成化七年任

俞積浙江新昌人由監生成化十三年任

劉玉浙江太平人由吏員弘治五年任玉吏事精

練人不能欺財賦倚辦

徐理江西進賢人由吏員弘治十年任

孔文廣東清遠人由監生弘治十八年任

米惠民廣西武昌人由監生正德五年任

薛清湖廣偏橋衛人由監生正德十一年任

王顯廣西平樂人由監生正德十四年任陞雲南

蒙自知縣

鄭文光浙江分水人由監生嘉靖四年任

李銳鳳陽霍丘人由吏員嘉靖六年任

丘亮浙江太平人由吏員嘉靖八年任

余祐浙江鄞縣人由監生嘉靖十六年任陞廣西

武緣知縣

劉佩江西峽江人由功生嘉靖十九年任清介絕

俗陞潼川州同

雷霽江西大庾人由監生嘉靖二十三年任

主簿

段好禮山西平陽府洪洞人由秀才舉洪武六年

任法令剛嚴下民畏服然一毫之賄未嘗受於

民清操皎如後卒于任

李仕儼陝西平涼人由人材洪武十一年任

戴魯温州永嘉人由秀才舉洪武十五年任

梁崑廣東新興人由監生成化七年任好學重儒  
設鄉學教民讀書人心悅服後以母憂去

謝龍廣東海陽人由吏員成化十八年任

王璉浙江蕭山人由吏員成化二十二年任

朱淇江西南昌人由吏員弘治七年任

沈慶浙江嘉興人由監生弘治九年任

林昕浙江太平人由吏員正德三年任

謝榮浙江黃巖人由吏員正德九年任

趙方簡江西靖安人由監生正德十三年任

潘洋浙江鄞縣人由吏員嘉靖元年任

惠安志卷十一 十三

朱昶浙江黃巖人由吏員嘉靖四年任

丁敘江西豐城人由吏員嘉靖八年任

周方浙江山陰人由吏員嘉靖十一年任

孟鍾浙江嘉興人由吏員嘉靖十三年任

王承恩湖廣江夏人由例監嘉靖十六年任

董應登直隸上海人由例監嘉靖二十二年任

汪璉直隸績溪人由歲貢嘉靖二十六年任

典史

勞福成廣東合浦人由監生洪武二十四年任

楊榮山西代州人由監生永樂十年任性質剛直

清操自持處貧窶澹如也知縣陳永年以其名薦于朝部檄來徵未至卒于官

秦中安州高陽人由監生成化元年任

譚海廣東保昌人由吏員成化七年任

王恒浙江慈谿人由吏員成化十三年任

蔡實廣東四會人由吏員弘治元年任

桂澄浙江慈谿人由吏員弘治十六年任

熊輝江西南昌人由吏員正德三年任

何珍廣東順德人由吏員正德十三年任

吳直廣東番禺人由吏員嘉靖元年任

惠安志卷十一 十四

戴廷茂廣東南海人

吳景葵江西高安人

杜庠廣東南海人

李昭江西吉水人俱由吏員嘉靖年任

儒學教諭

朱黼

鄭璿

虞浩然

張端生

張廷嵩

方循矩

李維天順間任

鍾琳成化初任學規嚴肅

丘尚廣東南海人由舉人成化十七年任

劉覲浙江寧波人由舉人成化二十二年任朴實

嚴重勤於教導有古君子之風後卒于官諸生

至今思之

吳鼎廣東瓊山人由舉人弘治十五年任

黃文正浙江樂清人由貢士蘇州訓導正德十四

年陞任善持學規

談雲江西新建人由貢士安州訓導嘉靖五年陞

任

何彥廣東順德人由舉人嘉靖八年任登乙未進

惠安志卷十一 十五

士

李洙廣西宣化人由舉人嘉靖十四年任陞江西

萍鄉知縣

何倣浙江分水人由歲貢嘉靖二十年任

梁鳳廣東新興人由歲貢嘉靖二十一年任

張思獻廣東南海人由舉人嘉靖二十三年任

訓導

劉智

戴雄俱宣德間任

楊俱晉江人由賢良方正正統初任

李誠

戚寧

楊或

章廷嵩俱正統間任

蔣恭景泰間任

李觀天順初任

葉福

張瑜

劉頰

李璠俱成化間任

張巽

徐璉

吳璋廣東潮陽人

陳寧廣東乳源人

管璋浙江麗水人俱弘治間任

胡龍江西新喻人

谷華浙江麗水人

蔡日昇江西萍鄉人

莊哲廣東人俱正德間任

惠安志卷十一 十六

曾仁江西泰和人

薛鳴鶴廣東會同人

沈鑰浙江平湖人

晏溥江西上高人

孔輪浙江縉雲人

姜笙浙江鄞縣人

黃文光廣東文昌人

王渠道江西安福人

福應璧浙江仁和人

陳大經浙江建德人

羅昱湖廣沅江人

論曰夫記載之所繫重矣吾邑自宋迄今慈惠之師循良之長殫竭心力以設施於一時者何限遠者靡可究已近或未及百年并其名字沒之豈非記載失職而傳信之義有所未明邪然猶幸其間見他書有



不能終沒者蓋積善成名而記述之者多也則士之  
傳不傳亦觀其所自立何如爾彼未及百年而身名  
翳如者無亦於善有未積也與